

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԵՂԱՐՔՈՒՆԻՔԻ
ՄԱՐԶԻ ԽՈՐՀՐԴԻ ՆԻՍՏԻ

ք. Գավառ

30.12.2021թ. Ժամը 15.00

Գեղարքունիքի մարզի խորհրդի նիստը նախագահում էր Գեղարքունիքի մարզպետ Կարեն Սարգսյանը, մասնակցում էին մարզի խորհրդի 9 անդամներից 6-ը:

Գեղարքունիքի մարզպետի հրավերով մասնակցում էին մարզի իրվապահ մարմինների ներկայացուցիչները, մարզպետի տեղակալ Վահան Զարոյանը, մարզպետարանի գլխավոր քարտուղար Սևակ Խլղաթյանը, մարզպետարանի ստորաբաժանումների ղեկավարները, մարզպետի օգնականներ Մանանա Գալստյանը և Ջանիկ Բազեյանը, «Գեղամա աշխարհ» թերթի գլխավոր խմբագիր Խոսրով Խլղաթյանը:

Օրակարգում՝

1. 2021 թվականի դեկտեմբերի 17-ի դրությամբ Հայաստանի Հանրապետության Գեղարքունիքի մարզի համայնքների սեփական եկամուտների հավաքագրման արդյունքների մասին:
/Զեկ. Յուրա Մուշեղյան - մարզպետարանի ֆինանսական և սոցիալ տնտեսական զարգացման վարչության պետ/
2. Հայաստանի Հանրապետության Գեղարքունիքի մարզի համայնքներում սուբվենցիոն ծրագրերի ընթացքի մասին:
/Զեկ. Արմեն Զոհրաբյան - մարզպետարանի քաղաքաշինության վարչության պետ/
3. Հայաստանի Հանրապետության Գեղարքունիքի մարզում կորոնավիրուսային հիվանդության տարածման դեմ իրականացվող աշխատանքների ու պատվաստումների ընթացքի մասին:
/Զեկ. Լուսինե Վարդանյան - մարզպետարանի առողջապահության և սոցիալական ապահովության վարչության պետ/
4. Հայաստանի Հանրապետության Գեղարքունիքի մարզի նոր ձևավորված համայնքների առաջիկա գործառույթների վերաբերյալ:
/Զեկ. Վանիկ Հարությունյան - մարզպետարանի տեղական ինքնակառավարման և հանրապետական գործադիր մարմինների հարցերով վարչության պետ/
5. Այլ հարցեր:

Մարզի խորհրդի աշխատանքներն ամփոփեց մարզպետ Կարեն Սարգսյանը:

1. Առաջարկվեց Հայաստանի Հանրապետության Գեղարքունիքի մարզի համայնքների ղեկավարներին՝

1) ամենօրյա աշխատանքներ տանել համայնքների 2021 թվականի բյուջեների սեփական եկամուտների /հողի հարկ, գույքահարկ, տեղական տուրքեր, հողի և գույքի վարձակալությունից եկամուտներ/ կուտակված պարտքերը մարելու և 2022 թվականի բյուջեների սեփական եկամուտների /հողի հարկ, գույքահարկ, տեղական տուրքեր, հողի և գույքի վարձակալությունից եկամուտներ/՝ ըստ համամասնությունների հավաքագրման համար.

2) գնումների գործընթացը կազմակերպելու համար համայնքապետարաններում ստեղծել գնումների պատասխանատու ստորաբաժանումներ և վերահսկողություն իրականացնել շինարարական, տեխնիկական աշխատանքներ, տեխնիկական և հեղինակային հսկողության ծառայություններ մատուցող ընկերությունների նկատմամբ՝ համայնքներում իրականացվող շինարարական ծրագրերի որակն ապահովելու համար:

3) աշխատանքներ տանել համայնքապետարանների, ՀՈԱԿ-ների, համայնքային ենթակայության հիմնարկների աշխատողների և ազգաբնակչության շրջանում կորոնավիրուսի տարածման դեմ պատվաստումներն իրականացնելու համար.

4) համայնքապետարանների հաստիքացուցակներում համայնքների բնակավայրերի օպերատորներին ընդգրկել որպես համայնքային ծառայողներ.

5) «Սևան ԱՊ» ՊՈԱԿ-ի հետ ճշտել համայնքների վարչական սահմաններում գտնվող՝ պարկի տարածքից վարձակալության տրամադրված հողամասերի վարձավճարների չափը և աշխատանքներ տանել այդ վարձավճաների ու գոյացած ապառքների 30 տոկոսը ՀՀ օրենքով սահմանված կարգով համայնքներին փոխանցելու համար:

2. Առաջարկվեց Հայաստանի Հանրապետության Գեղարքունիքի մարզի Գավառ, Մարտունի, Սևան և Վարդենիս համայնքների ղեկավարներին՝ գույքագրումը և հանձնաընդունելությունը սահուն կազմակերպելու համար համագործակցել համայնքի ղեկավարի լիազորությունների ստանձնումից առաջ գործող համայնքների ղեկավարների հետ:

04.01.2022

X 

ԿԱՐԵՆ ՍԱՐԳՍՅԱՆ

ԳԵՂԱՐՔՈՒՆԻՔԻ ՄԱՐԶՊԵՏ

Подписано: SARGSYAN KAREN 3710840503

ԿԱՐԵՆ ՍԱՐԳՍՅԱՆ

